
Бизнес-омбудсман девонининг вакиллари иштирокида Қува туманида сайёр қабул ўтказилди.

Ўзбекистон Республикаси Президенти ҳузуридаги Бизнес-омбудсман девонининг Фарғона вилоятидаги бош инспектори Муроджон Пулатов ҳамда Қува тумани ҳокими Халимжон Умаров ҳамкорлигига жорий йилнинг 2 июн куни Қува туман ҳокимлигига тадбиркорлар иштирокида сайёр қабул ўтказилди. Қабулда вилоят бошқарма ва ташкилотлари раҳбарлари, шунингдек, маҳаллалардаги ҳоким ёрдамчилари ҳам иштирок этдилар.

Туманларда фаолият олиб бораётган тадбиркорларни ҳамда ўз ишини ташкил этишни режа қилаётган ташаббускорларни таклиф этган ҳолда ўтказилган қабулда банк кредити олишга кўмаклашиш, тадбиркорлик фаолиятини кенгайтириш ёки йўлга қўйиш учун ер майдони ва бўш бино-иншоотлар ажратилишида ёрдам бериш, солик тўловлари билан боғлиқ енгиллик тақдим этиш ҳамда тадбиркорлик билан боғлиқ бошқа масалаларни қамраган 65 дан ортиқ мурожаатлар кўриб чиқилди.

Кўплаб мурожаатлар қабул давомида ҳал этилди, ечими муддат талаб этадиган мурожаатлар назоратга олиниб, мазкур мурожаатларни белгиланган тартибда кўриб чиқиб қисқа муддатларда ижобий ҳал этиш юзасидан тегишли топшириклар берилди.

2022-06-03 20:08:04